



遺囊

淨扮白飛鳶上

長永都
振壽西
請子也

造就將軍武藝成，鷹揚赴宴佔功名。末上男兒有
日疆場用，應使天驕萬里平。淨俺白飛鳶是也。末
俺石有光是也。淨兄弟，我們在陳府多年，蒙老爺
教授戰陣之法，又勸赴試，已中武科高魁。今與少
爺們一同進京會試，好不榮幸也。

羽調過曲，勝如花合領鄉薦。武藝誇准擬乘時再駕。
擢巍科，錦奪宮袍。走龍樓，花飛駿馬。洵然是人人驚。

說。有日兒持大旗龍牙虎牙。有日兒論戰功官加俸
加者便是。氣象高華。志向男兒大。從今去。品題爭價。
待軍功戮力王家。待軍功戮力王家。

說話未了。少爺們登程來也。丑扮有威上。世掌熊
羆士。公侯咏好仇。小生扮宗勉上。今朝來赴試文
戰在儒流。作旦扮繼良上。佇看題名日。何人作狀
頭。二雜負行囊上。丑俺郭有威便是。今當大比之
年。同甥兒上京赴試。你看一路而來。好箇三春景
色。

慶時豐。合晴川。落日孤帆掛暖風。芳草遍天涯。烟樹
雲岑。面面遮山光。水色明如畫。看無盡。望正賒。堤邊
楊柳寺邊花。縈雕鞍。騎駿馬。揚揚得意上公車。

淨舅爺今日上京。莫說少爺們要奪狀元。就是我
們武科。也想高中第一。小生大哥。那赴考的士子。
皆是父母培養成功。何人肯作第二人之想。

樂安神犯 一班兒 宮墻儒雅呈才獻賦。要氣傲雲霞。

一班兒 千金狼籍鬪豪華。也要春風馬上英雄詫。誰

不想 玉殿題金榜。鳳閣載仙槎。沾得皇恩大。遊闈苑。

遺囊 遺囊 遺囊

插宮花瓊林宴樂帝王家。作旦悲介爲心事亂如麻。難將幽恨訴琵琶。

丑甥兒你爲何忽然悲淚。作旦母舅我爹爹前日在白雲山還可相見。自朝山至今杳無音信。甥兒想雲遊訪道。總在名山古刹。趁此場期尚遠。必要隨處尋訪。請母舅與哥哥先到都中便了。丑這也是你孝心。但恐誤那場期。如何使得。小生兄弟且等場後去尋未遲。作旦阿哥哥父子天性爲弟。若不知爹爹去處。就得成名。也是枉然。丑甥兒既然

決意。就將行囊付你。我與宗勉先行。是了。小生兄弟。你隻身無伴。叫白石二哥同去。何如。作旦這也不必。雜付包袱與作旦負介。丑途中連轡。仍分袂。小生好待皇都得意回。衆下。作旦爹爹此番若無下落。真教我抱恨終天也。

大河蟹犯幾度東風報柳衙。晨喜鵲晚燈花。好教我

未卜存亡心自詫。阿爹爹啊。你若是飄然蝶化夢裏

仙遊。應到家。爲甚似飄蓬如飛瓦。使兒有母莫尋爺。

音。霞。悵。星。前。憫。月。下。聲。聲。枝。上。聽。歸。鴉。

爹爹孩兒千辛萬苦在此尋訪若不能相見我也
誓不回去了武暗上立桌介作旦爹爹呀

排歌命苦孩兒何處尋捨汪汪兩淚如麻你又不同

陰陽路遠隔幽遐形影空憐沒地查為何瞻暮靄望

殘霞無從覲面會天涯魂欲斷聲已啞莫怪曹娥江

上要沉瓜

哭倒介武佛門非認子孝道卻通天我乃獨臂羅

漢便是因見孩兒尋我去處暈倒在地不免下了

雲頭姑與相見正好賜他錦囊下桌介繼良醒來

作旦起見介阿啣那旁竚立的似我爹爹模樣為

何這般打扮武繼良過來作旦呀果然是我爹爹

了大哭介武繼良你也不必悲啼我在禪門自有

無邊風月只要你事母克盡孝道為人不愧忠良

就是今有錦囊一箇與你異日如逢急難可以開

拆作旦跪接介孩兒年幼無知還望爹爹訓誨武

前言已了你看那邊有人來也作旦在那裡武立

椅上

前腔已露天機何庸再話你自今赴試京華帽簷剛

喜插宮花。別有恩宣夜草麻。須知盡心力。佐王家。莫
怕那海關千里亂飛沙。好把囊中策仔細查。抵過那
銀河八月遠乘槎。

下作旦起介。爹爹已成證果。乘那五色祥雲。往西方去了。在雲端說些隱語。甚難詳解。賜我錦囊一箇。吩咐臨難開拆。想日後所遭。必有意外風波也。
浪淘沙。親領嚴君。雲端說話。知有風波。殊堪驚怕。我
今且向都門下。洛陽紙。應貴文章價。好把聲名擬董
賈。尾煞。功名就。寵賚加。晝錦歸來。氣象華。把我爹爹

跨鶴乘雲事。說與星星母道家。

下

評曰。此劇為掃除龜蛇。降服扶餘。作引子。且使繼
良父子。得以一見。後則脩三摩地者。不為階下漢。
只有桐孫初茁時。與袁氏夢中。夫婦一晤而已。

何事乃翁授阿郎。

收魔意指濟時方。

三家寶樹花齊舞。

無限春風在此囊。

Table with 10 vertical columns and 1 horizontal line, likely a grid for text or diagrams.

占鰲

雜扮侍從引淨外末上

仙呂皂羅袍淨濟濟英才出眾似撥開雲霧都見蒼

穹是滄江夜雨躍潛龍是丹山曉日鳴春鳳外末似

這般生花筆燦鮮鮮露濃凌雲氣傲霏霏繞空怕文

章不見朝廷用

淨翠梧古檜覆牆陰外鎖閉朱門試院深末便是

當年文戰地合今朝休要負初心淨老夫平章大

學士盧杞是也外老夫禮部尚書陸贄是也末下

占鰲

重武堂書

官翰林院脩撰王維是也。淨二位大人請了。外末
老太師請了。各坐介。左右開門放殿試進士出延
英殿去罷。小生丑作旦上繞場下。淨你看那濟濟
多士。藹藹吉人。盡是梁棟之材。老夫回想那科不
依舊例。以曲衡才。致士子紛紛議論。今科又蒙聖
恩命老夫與二位大人典試春闈。秉公心而取士。
披藻鑿而衡文。千餘卷收拾囊中。盡是班香宋豔。
三百人標揚榜上。無非卞玉隨珠。現在聖上要金
殿唱名。親點鼎甲。二位大人將殿試卷子精選十

本以呈御覽。外末老太師所說甚是。

春從天上來。

雖則是

瀛洲會上。三百盡英雄。

俺這俚

終須更選朝廷棟。氣象巍巍出頭地。不與凡同方許。
他鰲頭獨聳。堂官呈卷上。外末繙閱介。呀。你看這數

卷呵。

妙手堪稱造五鳳。麗句鮮詞振千秋。學士風。

真

箇是春鶯出谷。秋鶴唳空。想他學問無愧那晁和董。

老太師這十本可以進呈。再請法眼定其高下。淨
繙閱介。我看十本文字俱係特出之才。內有三卷
更覺行行錦繡。字字珠璣。老夫拔他在前。以便聖

三星圓
三集下
上親點鼎甲是了

蠟梅花文章精巧奪天工。三都賦上聲名重。金帖喜報紅。你看狀頭誰是鳳毛。應數謝超宗。

外末法眼賞鑒甚是不差。聖上若果點為鼎甲。春風桃李盡在老太師門墻了。淨總緣二公舉薦所致。安排已好。一同前去進呈。

大齋郎合選英賢進皇宮。一般賞鑒自相同。看仙才邀得天恩寵。杏花燦爛笑東風。

同下小生作旦丑俱冠帶同上集句小生素士如

林待紫清丑紫清新許住蓬瀛作旦金盤薦瑞休

嗟晚合輦路春風十里晴小生母舅今日點元殊

卷早已呈上怎麼金殿還未唱名丑想在頃刻四

宮女四太監引副扮鴻臚寺捧御冊上玉音已到

眾進士在丹墀俯伏眾跪副讀介奉天承運皇帝

制曰朕以涼德躬膺洪緒諸藩闕下稱兵兩次河

陽出狩賴爾羣猷羣策復致昇平銷干戈為日月

之光煥文物於山川之秀今貞元八年臨軒策士

甄拔英才特命傳臚以光盛典惟爾多士尚其克

三星圖 三集下 癸 臨武堂書
副朕命欽哉第一甲第一名狀元及第浙江省杭州府錢塘縣陳宗勉小生三呼兩宮女兩太監扶下副第一甲第二名榜眼及第浙江省杭州府富陽縣郭有威丑三呼太監挿花副第一甲第三名探花及第浙江省嘉興府石門縣張繼良作旦三呼太監挿花副恭喜列公賀喜列公衆皆托大人福庇副今科三鼎甲俱出浙江真是文獻名邦下官要候狀元進宮去也列公且到延英殿好待狀元出宮一同赴宴請了同太監下衆請了從此仙

班登闕苑宮袍染得柳條新同下場上細吹兩太監一托玉盃一執金壺兩宮女俱執金花引雜扮二大太監上後兩宮女兩太監同小生執笏上文如秋水芙蓉老人似仙洲鷓鴣新大太監贊禮介狀元進位執笏揚塵跪叩首再叩首三叩首山呼再山呼齊祝山呼標插金花宮女插介御酒三盃太監獻介狀元叩首謝恩起登鰲領宴兩太監扶小生登鰲頭立介大太監送酒小生立飲唱介解三醒巡三爵鰲頭酒送瞻萬里鵬翼雲通扶搖直

上天邊聳想此時賞心同。宮花簇處羨英雄。一似那
蓬島仙遊日影東。眾合有誰共。洋洋得意。闔苑春風。
前腔小生子。小子文非舞鳳荷。君王恩許攀龍。一朝
僥倖天朝寵。飲已酣。酒三鍾。此生宛似夢中逢。終因
是咫尺無忘醉。後恭。眾合有誰共。洋洋得意。闔苑春
風。

宮女送酒介

前腔標兩朵宮花。金鳳飲三盃。御酒黃封。袞袍著處
君恩重。勸玉郎酒興濃。好教春色如花容。不負我翠

袖殷勤捧玉鍾。眾合有誰共。洋洋得意。闔苑春風。
前腔小生酬芸閣。十年春夢倚龍門。百尺高桐。眼前
一派笙簫送。想今朝飲重。重夕陽歸去。醉顏紅。似這
般天錫榮光。幾許逢。眾合有誰共。洋洋得意。闔苑春
風。

小太監送酒介

前腔題雁塔。彩霞高擁。宴瓊林。瑞日初融。紫驂蹀躞
香塵動。筆飛花字。戲鴻文章。五彩煥天東。喜今朝恩
賜雲漿。出帝宮。眾合有誰共。洋洋得意。闔苑春風。

三集下 占鰲 卷

前腔小生文不過衙官屈宋賦未曾臧獲遷雄青年
壓倒千人衆意氣兒吐蜺虹醉顏不禁酒花穠怎教
我拜謝龍光謁聖躬衆合有誰共洋洋得意闥苑春
風。

〔雜〕宴畢小生下〔齎介〕狀元叩首謝恩宮女下小生
出介〔雜〕孩兒們送狀元出宮赴宴咱家候送小生
不敢公公請了〔雜〕請了〔下〕小生飲罷金卮仙醴好
歸來滿面是春風同衆下〔淨〕扮盧杞上〔殿〕開閭闔
露華新末白鬚扮府尹上待漏鷓行立紫宸〔丑〕上

繡陌風和嘶去馬〔作〕旦上粉墻日上映朝臣〔合〕今
朝隨步蓬瀛客盡是揚鞭得意人〔淨〕老夫盧杞末
下官府尹田晉〔丑〕下官榜眼郭有威〔作〕旦下官探
花張繼良〔淨〕向末介今狀元出宮赴宴午朝門上
馬必要貴府遞鞭可謂尊榮之至末〔老〕太師那士
子們得有今日方爲出人頭地〔淨〕不差聖上命老
夫陪宴待狀元出宮衆賢契一同前去衆還望老
太師指引〔四〕太監引小生上〔方〕對天顏酣御酒又
陪仙客赴瓊林見揖介〔老〕太師對末揖介〔老〕大人

三集
淨恭喜狀元末賀喜狀元淨衆同年在瓊林候久
請狀元上馬赴宴末待下官遞鞭太監以鞭付末
介小生學生不敢末此乃朝廷舊例狀元何必過
謙小生既如此學生只得告罪了揖介太監值馬
末遞鞭請狀元上馬介香塵輦路九門通好看杏
花十里紅同末四太監下淨衆賢契狀元已去我
們一同赴宴便了

桂枝香合花催玉鞞香飄爐鳳天街十里晴暄盡看
神仙儀從想狀元馬去狀元馬去誼譁簇擁去到那

秋千畫閣上林東真不減周室鳧鷖樂虞廷喜起風

同下

評曰傳奇狀元中者多矣未有寫得詳盡榮貴如
此者可補李唐臨軒大典之遺是書考有三次
迓院捷聞得失不同此從考後之占鰲言又是不
同閱者弗以為疊見可也

祥雲五色奏天東

甥舅瓊林鼎甲同

莫道文人高閣置

毛錐子有氣如虹

三集
占鰲
通武堂書

三星圖
三集
正堂

嫉賢

貼扮盧鳳眉上

雙調醉扶歸。晝恹恹。喚茶鸚聲小。響玎玎。簾捲玉鈎。
敲香靄。靄花氣。夕陽熏韻。悠悠竹影。西窗掃笑融融。
賭技鞦韆架。鬧誼誼。隔院笙歌繞。

春宵曲。桐雨潛催韻。松風半入琴。和平絃上度清音。
音好暢胸襟。何事弄機心。奴家盧氏鳳眉。爹爹盧杞。
杞位居首相。官拜太師。未免心多妒嫉。母親崔氏。
甚屬賢能。所生哥哥元輔。常以忠義為懷。人稱邁。

三星圖
三集
嫉賢
重刊

種。這是奴家兄弟四人，並無姊妹。爹娘珍惜勝於明珠，平日喜看書籍，見那忠臣義士，常深企慕。趁今日閒暇無事，不免到書房中，繙閱牙籤，則箇

玉劄子

走過

那南樓竹影瀟瀟，來到

這西閣香爐裊裊。

裏面對著

一枝枝鳳尾芭蕉，遮住隔塵囂。

真箇是清

幽絕倒好覓，箇書中味飽。

架上書籍甚多，教我從那部看起，啞就把那歷朝名臣錄看來。

雙蝴蝶待看蕭相國，佐漢朝待看何郡守，貢楊囂待

看鮑中丞，執法曹待看卜中郎，輸邊自效待看蘇大夫，抗節吞毛待看平津侯，東閣賢招。

且扮乳母上，何事深閨荀尹女，書齋偷竊馬班香。請小姐仍歸繡閣，惟恐太師爺回朝，來到書房，貼知道了。且看他卷軸翩翩，閱好似芸窗女校書。下貼奴本要再坐片時，遍閱名臣事蹟，只恐爹爹與外人同來，奴在此甚為不便，不免回到繡房去罷。園林好無奈，別書窗靜蕭，回轉了香閨寂寥。把一線線鴛鴦字挑蘸胭脂，拭冰綃掠雲鬢，整翠翹。

下淨上

步步嬌欲誅仇敵如芟草。不盡除根早。依然禍產苗。
你看桃李公門好取春風笑。若是荆芒綴滿條。須防
著舉頭刺我元臣老。

生來悍孽似鷹鷂。好逐凡禽落照邊。若是天空還
礙道。總教鸞鳳也難全。老夫盧杞今科蒙恩主試。
拔取真才。所中鼎甲三人。才學人品迥出尋常。老
夫方有得人之慶。不想查其履歷。俱係仇人親戚。
使他同朝。即是禍根。須要設法處置纔好。

香羅帶

我

獨具隻眼高。陶成俊豪。

把這三人呵

巍巍

榜上姓名標。

誰知是

仇家齊步上天朝也。

他日裏

定

將仇來報。不相饒。

想介。嘎。有了他們三人。不日參拜老夫。必然相約
同來。只要如此待他。自無後患了。

接前。預先設下圈和套。待把他收拾此中也。永使寒
江靜。怒濤。

院子。叫了鬟。請小姐出堂。末。春梅姐。太師爺命你
請小姐出堂。副扮使女同貼上。貼宮花繡罷桐陰。

午父命傳宣上畫堂見介爹爹喚女兒何事淨為
 那廣東進獻的蠱藥前者教你收藏可好的麼貼
 女兒近日看過並無損壞未知爹爹要他何用淨
 為父只因今科鼎甲呵

皂羅袍不是公門佳兆是仇人親戚一箇箇炫著宮
 袍

為父那年被陳祖功效奏定他腐刑不料今科狀
 元是他繼子榜眼是他妻舅探花是他義兒門生
 出於仇家恩師反為對頭為父昨日呵

接前主宴瓊林瞻丰標真箇是翩翩俊雅人年少看
 將來終終與我戴天不共如何共朝不若趁今日爪
 牙未備還堪動搖想從來除蛇總要摧虺早

他們不日定來參拜我要顧左右介了鬢們迴避
 副看他必有謀人計回覆我們不使聞下我要設
 計收拾他們貼爹爹有何妙計淨這有何難他來
 參拜我就設席相待那時呵

好姐姐相約到畫樓靜悄喜筵開迭奏笙簫只待他
 情濃意醉便可把蠱藥酒中調那時叫心腹了鬢遞

三集下
與妓女呵俺這俚自有神機巧三孟再敬青年少管
教他命世英雄指日消。

你且預爲周備事係機密不可泄漏風聲貼女兒
曉得淨能將香餌先藏水那怕金魚不上鈞下貼
阿爹爹喻

香柳娘 你今日縱機關巧妙。縱機關巧妙。孽冤多少。
到頭善惡終須報。你若怕他們復仇何不盡師生禮
貌。盡師生禮貌。協力佐天朝。好把前愆掃。再不然向
烟霞嘯傲。向烟霞嘯傲。遁蹟解宮袍。也把冤情了。

今必要害他三人性命喪盡天良難免孽報這教
奴如何處置

二犯玉交枝 奴若是不分白皂順爹心調停藥膠真
是天良喪盡仁心掃恢恢的網兒怎逃奴若是違他
命。盡不調把三從背卻闔門教終是我女兒不孝想
將來心亂神搖。

爹爹教奴爲此想他不是治命乃是亂命一般奴
家寧使逆他以循天理不免將美酒拏去抵塞便
了。

貓兒墜。非是奴。在家女子。把父命輕拋。只因是人理。

難容天理昭。權算著仁心還比孝心高。無聊只得候

席終時。竟把芳醇代蠱。使他們反感我。爹爹情好。僥

僥令冤仇宜解早。禍隙莫重挑。幸不曾漏洩風聲無

人曉。先籌畫。自停調。尾聲閒。庭寂寞。東風悄。且向深

幃。把爐火燒。看那一窗紅雨暗。瀟瀟。

下

評曰。鄭之雍糾。謀及婦人。而敗。盧祀。謀及女兒。豈
為善策。然今日之謀。可自鳳眉解之。異日之親。亦

可。自鳳眉結之。鳳眉不肯用蠱藥。正是可為甘草。
調和妙劑。端賴此人。

家藏蠱藥害名流。暗遣蛾眉酒裏投。

伊女若教從父命。傾城傾國在陰謀。

參座

小生丑作旦冠帶上

大石調引子東風第一枝小生雨洗天街笙歌簇擁
 平開十里香塵丑風吹學士宮袍翩翩披拂花茵作
 旦春饒杏苑鳴鞭看走馬芳辰合喜瀛洲步領仙班
 齊沾雨露恩新

丑新著宮袍映曉霞小生揚鞭出自帝王家作旦
 香塵十里春風緩合看徧長安樹樹花小生母舅
 蒙聖恩得中鼎甲必要參謁相府如何是好作旦

三集
哥哥我們謁了右相關播那左相盧杞一邊不去
何妨丑甥兒事必貴於兩全禮不可以偏廢既謁
右相自當去謁左相況左相又係座師那有不去
參謁之理我們三人同去怕他什麼小生母舅去
雖去還須防備一二丑我們隨機應變無庸過慮
雜上稟介老爺外班伺候小生如此打道眾上執
旗槌繞行介

大石調過曲急板令合整齊齊官牌迭陳彩飄飄宮
旗簇新爭看狀元榜眼探花一樣青春端的樂事榮

逢美景良辰。一番翔鳳遊麟。把昂昂志氣伸。眾下
末扮門官上雜付帖介新科狀元同榜眼探花老
爺來謁相爺末接帖通報淨上畫戟倚門丞相府
輕裾曳步小臣行迎接介小生丑作旦老太師請
台坐門生等大禮參見淨常禮罷請坐合門生不
敢淨你們皆天子門生那有不坐之理殿元請上
坐小生向丑介這是門生母舅淨老夫這俚還須
序爵丑甥兒暫坐何妨小生揖丑介甥兒放肆了
各告坐介淨老夫那日於瓊林宴上見賢契們丰

姿拔俗、氣骨殊人、洵屬棟梁偉器、深爲朝廷慶賀、合有愧太師過喪、門生等既蒙甄拔、異日自當勉盡心力、報効朝廷、起揖介、就此告退了、淨且慢、老夫幸得你們俱在門下、今日必要暢敘、以盡師生之禮、向丑介、郭賢契、你令尊大人在朝之時、與老夫頗稱莫逆、故而扶餘犯境、呵呵、老夫不肯舉薦他人、

人月圓、聯金石、夙著良朋信、只因是退老林泉疎問訊、這場勳勞呵、定要薦他、重披鉄甲、威名震、願剿得

番兵早返軫、他日裏旌功臣、也慰得故交情、誼殷殷、如今雖未報捷、一旦得勝還朝、呵呵、又是一箇汾陽王了、丑深感老太師美舉、淨就是陳賢契的令尊、那年未知何意、劾奏老夫、觸怒天心、本要棄市、倒是老夫曲爲周旋、不至於死、

前腔、念平日未結冤和恨、爲甚的突向丹墀陳奏本、

幸聖上呵、忠良素有君臣信、要誅那狂言將罪問、倒

是老夫生憐恤、爲周旋、至今猶得安身、

老夫那日定刑、請張李二尚書從公議處、並不敢

三星圓
三集
屈害忠良。小生丑作旦。這是老太師大度容人。末
太師爺有酒擺在集賢樓。淨請轉過集賢樓。各行
坐介。淨官兒筵前無以爲樂。傳妓女們上來侑酒。
末傳介。小旦旦扮妓女上。旦座上言談聽屑。玉小
旦筵前歌舞看移雲。見介列位老爺在上。妓女們
叩頭衆免禮。淨你們將三位老爺各敬一盃。二旦
曉得斟酒介。請陳老爺飲加官酒。小生官受何級。
旦官高一品。淨好一箇官高一品。陳賢契。此酒自
該先飲了。小生飲介。旦請郭老爺飲進祿酒。丑祿

膺何秩。旦祿食萬鍾。淨好一箇祿食萬鍾。郭賢契
你該飲大盃了。丑飲介。旦請張老爺飲進爵酒。作
旦爵居何職。旦爵列三公。淨好一箇爵列三公。張
賢契也該飲一大盃。作旦門生量淺。望老太師寬
恕。淨你既然量貴。就飲小盃罷。作旦飲介。二旦還
要奉敬太師爺。淨敬我何酒。二旦特敬壽酒。淨壽
享何年。二旦聖上萬歲。太師爺當壽至千歲。生丑
作旦好一箇壽至千歲。自該特敬老太師大盃了。
淨呵呵。我生平最愛詞曲。今有酒不可無詞。賜你

們坐下將新豔詞調唱來侑酒二旦曉得告坐唱介

詞調旦陌頭楊柳亂如絲飄蕩春心欲暮時惱恨鶯聲無了賴窗前啼徹杏花枝歎人生年少原無幾須知過隙光陰不自持最愛是妝臺有偶奩常啟對得菱花照見並頭姿何堪為著紛華念海角天涯遠去馳拆鸞交分鳳侶閣淚汪汪唱別詞我夫成親兩月即往京都就幕夫吓我道你拋卻新婚含淚去不過是簿書辛苦數年時記得春風幽

閣好歸來早畫牡丹脂誰想那主人翁補調雲南丈夫竟隨任去了愛夫吓雖則是聲氣相投賓主合

這樣遙遙的程路也須辭你滇南萬里家何在空教奴望斷雲山淚暗滋劉妹難傳徐悱字若蘭誰寄寶滔詩歎半生長誤秦樓好倒不如村夫估客相親相愛伴嬌姿小旦愛嫂嫂啊你恨我哥哥拋

你無音耗我怨那檀郎棄我各分馳冤家出外行商已有五年並無音信回來愛郎吓你覓得些須

害卻思為郎憔悴笑郎癡衡陽雁杳估帆遠湘水

魚沉浪船遲。害得奴香闈夜夜成孤宿。寂寞鸞鳳
自守雌。還愁十二巫山何處。在襄王夢遇也。無時
暖郎吓。你莫不是爲狂蜂。園外薔薇探笑口。你莫

不是爲浪蝶。路旁桃李採香脂。閒花野草雖堪愛。
怎比奴多情多義。結就同心好似梳。勸郎歸。莫遲
遲。休教奴夜抱銀箏。彈怨詞。旦。呀。姑娘如此說來。
你的心事。卻與爲嫂一般了。正是。色可羞花花事

謝牡丹消瘦惹鶯。啞薄倖才郎真忒甚。教我春風
無主暗嗟咨。這樣傷人。罕比誰想此情。還有小

姑知小旦

嫂嫂

我與你桃花洞口。依然在劉阮無

情去。不思金錢不准來人議。卻望來人意更癡。可
憐那雙鬢懶梳眉。倦掃一般臭味不差池。合。暖夫

吓

你偎紅倚綠。豈無意爲著營營。忘卻私待到春

風得意成連理。只怕苧蘿山下老西施。你看燕子
雙雙。今又到一年一度不來遲。兒夫。一去年多少

薄倖如何不再思。可憐小院花開。花又落。青春虛

度幾多時。休要將荳蔻梢頭丁香樹上芳心已過

覓殘枝。

郎吟

秋風縱有南來雁。不勞你再寄遙遙

一首詞。蠅頭蝸角真堪鄙。千萬歸來莫再遲。膠投
漆。針引磁。鴛鴦。閨好飲。合歡卮。奴爲郎。雲液瓊漿。預
整治。

院子付賞妓領介多謝老爺們賞賜淨請賢契再
飲數盃衆太師門生多領了。

念奴嬌序鸞笙雁瑟看筵前簇擁。繡織歌舞紅裙滿
地。胭脂花落處。朱樓翠箔斜曛。淨豪俊瀟灑英年。風流
佳致。六朝剩有閒金粉。合喜同酌梨花美酒。笑語紛紛
起。席介淨列位賢契老夫席間少敬還要立敬一

盃以表師生之氣誼副扮丫鬟執壺暗上付妓妓
斟酒介小生丑作旦各飲介

前腔淨青年才妙羨瀛洲獨步一番氣象方新盃酒
慙慙臨別處行行少洗風塵衆興盡香煖銀屏翠移
花檻熏熏歸去夕陽混合喜同酌梨花美酒笑語殷
殷

衆門生等告別各揖介下旦小旦分下淨呵呵這
三箇小子今番中了計也怎知我酒中曾和毒笑
裏卽藏刀

大笑下

評曰欲姑取之必姑予之。盧杞欲害三人而盛筵
欸待狡險極矣。然古人云不入虎穴焉得虎子。陳
宗勉不已探了虎穴哉。前欲以曲取門生今又
以曲誤門生和凝之前早有曲子相公矣。

一曲令人醉曉風

筵前裙屐是兵戎

多蒙幹蠱君家女

不忍傷才用血蟲

規父

貼扮鳳眉上

越調引子祝英臺慢草芊芊花娘孃一度春光最試
聽綠柳枝頭青鳥啼聲碎教我淡淡春山彎彎雲鬢
對妝臺無心點翠

春暖常教針刺懶欄前扶植好花枝奴家盧鳳眉
前日爹爹候狀元等參謁設席相待要隱下蠱藥
幸虧奴將美酒抵飾救了三人還恐異日再施暗
計害他故此來到中堂勸解一番你看爹爹尚未

出堂且到望仙樓等候便了。虛下淨上書樓半架池塘好。但恨新蛙種類多。我想前日三箇小子。回去不久。定然毒發而死。非是老夫殘忍。只為要除那後患。

越調過曲小桃紅。上林春鳥漫高飛。早中了羅人計也。正是折翼傷弓。哀痛淒淒。難穩杏花樓。但此事呵非余心。忍傷夷毒如砒。把羽儀盡除滅也。終只為患根深。患根深。無奈用心機。

貼上可歎閨中虧女道。世間幹盡屬男兒。見介淨

你到來何事。貼女兒生長閨房。並無遠見。但曾在爹爹書樓上。緝閱經史。見古來忠臣薦賢為國。以人事君。今爹爹身居鼎鉉。正當禮賢下士。培養人材。豈可稍有妒嫉之心。

下山虎兒會見薦登三事。日月增輝。史著陳蕃最。又會見山濤。治冀甄拔多人。先朝稱美。想古人為國求賢。皆若茲。況是位望居端揆。勸爹爹把朝廷棟梁培

切莫生猜忌。暗用謀為。須知道正直無私。讐有誰。

淨。唔。為父朝綱獨攬。自是正直無私。前日的事情。

只因斬草除根，不得已而爲之。你小小女子，那俚曉得這些事兒。貼女兒雖然無知，特念陳祖功，因冒奏爹爹受刑革職，此怨已可釋了。前日又要害他三人，未免太忍。淨：唔，教爲父怎能容得。貼：據女兒之見，鼎甲出於一處，乃是天地瑞氣所鍾，可謂邦家之慶也。若使死於非命，恐違天地而害邦家。異日史官記事，有損爹爹名望。淨：噯，聽你這些言語，必然看中了狀元，不忍相害。前日之計不行，可知矣。有道在家從父，出嫁從夫。你未曾出嫁，便要

把父命不從麼

鬪黑麻貼聽這話言，好生嗟咨。阿爹爹吓你把鈞衡

掌握，位居太師。怎說的傷風語，敗俗詞。縱未嫁女兒

父命當依。斷沒有謀人害理，也是依從毒計施。常言

道：臣諫于君子，諫于親，怎不解女兒規諫無私。

淨怒介：唔，貼跪淨。小妮子如此無禮，敢將言語衝

撞爲父麼。我自有的計較，你去罷。貼：女兒曉得出介

噯，爹爹一計不成，二計又來。那三人性命如何救

得，且待爹爹怒氣稍平，再來勸解。正是：嚴君顏未

此事總在咱家身上。淨舍甥蒙老中貴提拔，異日還要拜在門下。副那箇不當，我想天下大事，外有太師秉權，內有咱家作主，不怕那朝廷不依咱要告辭了。淨候送，真是手中有石，暗施排擠，便沉海。副還如口內有風，畧用吹噓，便上天請了。下淨聞得白石二人受陳祖功十分恩德，我若佈擺宗勉等，他怎肯坐視。今霍常侍令他去到軍前，正合吾意。

雁過南樓，留得虎狼爪翼；留得虎狼爪翼，倘有時暗

裏謀施，怎生防避。倒不如一網收羅盡，免庸憂悸速

脩奏章上達丹陛。早教邊關上盡把仇根剝。

我啟奏郭文龍守禦多年，不能滅寇，不如移他鎮守潼關。那新科狀元有揆文奮武之才，命他接印爲帥，榜眼膂力過人，命爲先鋒，探花智謀出衆，命爲參軍，必要三人一戰成功，毋得遲誤。我想番邦有此異將，他們必不能敵郭老頭兒。見他喪敗，移兵相救，必致失守潼關。此真一網打盡，俱可置於死地了。這本上奏，聖上斷無不准，待我寫來寫介。

關蛤蜊大學士臣盧杞俯奏丹墀為郭帥禦番兵不能平治。幸今科鼎甲三年少俱是那文壇武將堪奇。若叫他籌幄帷任驅馳定得一戰成功早早班師。

貼上要勸台衡留國士非關巾幗愛才郎見介淨小妮子又來做什麼貼女兒方纔冒犯望爹爹怒罪淨你年幼無知不來責你貼爹爹所脩何本淨你前日不肯依計而行我今脩本要令他死在沙

場以除後患貼爹爹

水底魚兒你漫用心機妄生節外枝且把雷霆怒止

寸心再三思你今去奏他呵倘若果若沙場戰死害卻

三人報有時倘若太平歸日能不營場懊悔遲趙

皮鞋勸爹爹休要把心欺天地鬼神不附私他既能

蟾宮並折桂花枝焉知邊塞上不能英雄技再試

淨你那裡曉得他們死於沙場不必言矣若得勝還朝為父就將你貼將女兒做什麼淨就將你嫁了狀元貼低首紅臉介為父招他為婿又添羽翼這本啟奏乃是一舉兩得有何不可

包子令死期返處會佳期佳期門生巧合做門婿門

婿命喪呵。讐人一朝棄。回朝羽翼又添肥。立起介這
計妙又奇。你女兒小小漫云伊。

下貼看爹爹決意要害他們。奴家也無可挽回了。
只望蒼天保佑。使他得勝還朝。這陷害忠良的罪
愆我爹爹也可免也。

道和他們風流文采。若教戰甲新披。聽聲聲秋風鉄

馬嘶。縱寫情賦景便成詞。那挺戈荷戟焉能濟。苦嚴

親不受箴規。忍心施毒計。惟有禱蒼天庇也。黃沙草
捲番兵。避海風波擁邊塵。洗但得功成歸日。免教奴

一片愁思。時時縈繫尾聲。無由挽得嚴君意。惹得深
情愁自寄。玉樓中銀帳裏。聽不盡曉星殘月。子規啼

下

評曰。下蠱之謀。鳳眉聞之而不規。恐其另著他人
也。事過而規。恐其再施毒計也。篇中敘其一諫再
諫。見盧杞之惡心難回。而鳳眉之不愧為宗勉妻
耳。白石魁武榜。從霍監口中補出。且於著他為
將。不必另起爐灶。最妙。

敢忤權奸。世有誰。幾番面諍在香帷。

違親莽操當年女

規過何能似鳳眉

會邊

衆引小生捧旨丑作旦同上

商調引子高陽臺小生緩帶輕裘以南以雅翩翩儒
將風流丑笑傲乾坤等閒飛步滄洲作旦生平未熟
翰和畧敢談笑覓那封侯合漫閒愁要力奠金甌爲
社稷分憂

小生母舅我們奉旨承接帥印勦除番寇未必非
建功立業之時叵耐奸臣盧杞厚貌深情陽爲尊
重陰爲簸弄要使吾輩翰墨文人死於戰鬥之場

深屬可恨

商調過曲。囀林鶯。憶那口畫屏十二圍紅袖。春風醉

倚歌樓。淺斟低唱。深深候。是何等禮貌兼優。誰知道

禍機暗搆笑孜孜。力鋒孟酒假人手。冒奏我文人諳

習戈矛。

〔作旦〕哥哥那邊關異將外祖統兵數載尚不能除

何況我們

簇林鶯。素非能戰鬥善機謀。一旦謝詩書。荷戈矛。諸

生集帳今番又。只怕他雄如虎彪。威勝貔貅。不能似

漁陽一鼓平成奏。是堪憂。看這關山千里愁對月如

鈎。

〔丑〕甥兒不必過慮。爹爹在彼鎮守多年。定知番兵
虛實。只要畧為指教。便可無慮了。

滴滴子。幸那嚴君的嚴君的。多年鎮守。好把軍情的

軍情的。從頭細究。更何至落人機彀。莫道乘風海浪

高驚慌。先受。就是那聖旨要一戰成功呵。終是箇奮

勵三軍齊賦同仇。

〔小生〕母舅之言甚是。左右速向邊關進發。眾應介

三集下會邊

漁父第一 小生丑作旦合趁斜照平林雨後控青驄
水亭驛首快促絲鞭走看雲飛溪邊遠岫青山隱隱
千峰秀白水茫茫萬壑流颼颼一片烟霞驟自有俺
百道寒光貫斗牛

小生引衆下末上

黃鶯兒春色麗皇州踏金鐙跨玉驄正是英雄奪取
功名候輕披鎧兜飛戈舞矛一任從軍萬里勦邊寇
此去路悠悠平川走馬快似水東流

俺新科武探花石有光是也可恨霍常侍聽那盧

相之謀奏俺與榜眼白大哥同授都指揮之職立
往邊關効用不免赶上三軍一同前去便了

前腔表裏弄奸彀把吾輩視作仇封書冒向丹墀奏
只道邊關禦寇勇而少謀斷無戰勝歸來候誰知是
俺素願酬龍泉三尺正合試鋒頭

淨上兄弟慢行爲兄來也鉄馬嘶風驅敵壘雕弓
彎月殲蠻軍兄弟盧相與我們無仇爲何叫霍常
侍暗中簸弄末大哥你還未知因我們素在陳府
有道怪形兼怪影故爾要設計相害淨緣來如此

三原圖 三集
鶯啼序堂堂相國挾私仇。不圖青史上紕繆。豈知我
二人呵。正如疏附奔走。為元戎共佐皇猷。怎怕那統
中軍女將英雄。領前隊先鋒異醜。趁馳驟。定要把此
功成就。

你看前面數隊人馬。必是陳少爺等統領前去。可
速速趨程趕上。下雜扮小兵引外上將軍自守邊
疆老欲靖沙塵。愧未能老夫郭文龍。自禦敵以來。
與番兵交戰幾次。也無十分勝敗。相持數年。未知
成功在於何日。

水紅花烽烟一帶繞城樓。勢悠悠。前軍怪醜。無人對
敵不勝愁。只得阻咽喉。終年鎮守。回看蕭蕭兩鬢白。
了壯年頭。邊功難道此生休也囉。

雜啟元帥聖旨到了。外吩咐大開營門接旨。小生

上聖旨下跪聽宣讀。詔曰。朕思郭文龍久守邊關。
禦敵無功。著離大元帥之任。與總管李晟馬燧一
同移兵鎮守潼關。授狀元陳宗勉為經畧大將軍。
承接帥印。勦賊安邊。毋得遲誤。欽哉。外三呼。左
右為小生換帥盔。外拜印付小生。小生拜受登臺。

三 星 圓 三 集 下
衆參見介。小生衆將聽者。今且歸營守寨。候本帥
不日點將。毋得有違。衆下。小生下臺。與衆拜外介。
外。白石二兄。得中鼎甲。前來勦賊。可敬可喜。淨末
在下終託。老大人福庇。外向作旦介。此位是誰。小
生就是義弟張繼良。外。你爹爹雖入空門。後嗣克
振家聲。卻屬難得。向小生介。外孫。那年你母親必
要繼你爲子。卻有眼力。如今家中可好麼。小生一
家俱蒙福庇。只是外孫被奸賊陷害而來。於番邦
兵勢。全然不曉。望外祖一應指示。外。我在此多年。

深知虛實。且到後營。與你們細講。

三臺令。外。乾坤萬里天涯遠。憶鄉關也。時添旅愁。空

對斜陽雁陣秋。喜今朝邊關上。一家聚首。外孫印代。

黃金綬。義甥兒。是帷幄運籌。便孩兒也。克紹箕裘。連

白石二兄。一同到軍前。共佐皇猷。

琥珀猫兒墜。衆合。雖被奸臣陷害。禦寇到邊。兀猶幸

天涯都聚首。千重愁恨。合做了一重愁休休。有日奏

凱旋師。與奸臣厮釋。

尾聲。統合命世。英雄今輻輳。賢星千里會齊州。這一

三星圖
三集一
場邊關上父子團圓咏好仇

齊下

評曰欲害其人而使一同出征并白石與於其中何反似假以爪牙耶然不如是諸人不能同立邊功同受封爵敘次亦費筆墨矣故邊關團圓在盧杞為一網打盡之簡法在作者為一筆掃盡之省文

欲使風濤靖北溟

盡殿鵝鷺下寒汀

靈臺太史占雲氣

應奏齊州聚德



